




Općina Stari Grad Sarajevo

Municipality of Stari Grad Sarajevo

Broj: 10-04-11-559/22
Sarajevo, 25. avgust, 2022. godine

SKUPŠTINA KANTONA SARAJEVO
Ulica: Reisa Džemaludina Čauševića 1
71000 Sarajevo

Predmet: Odgovor na zastupničku inicijativu



Poštovani,

U skladu sa zastupničkom inicijativom zastupnika u Skupštini Kantona Sarajevo, gospodina Damira Filipovića od 10. avgusta, 2022. godine, broj: 01-04-29326-29/22, u vezi sa implementacijom Elaborata o lokacijama zelenih otoka, niša i reciklažnih dvorišta s ciljem selektivnog prikupljanja otpada, kao i podjele kanti za dvolinijski sistem otpada na području općina Kantona Sarajevo, koji je dio Principa i mjera djelovanja Vlade Kantona Sarajevo 2021-2022. godine, dostavljamo Vam odgovor.

U toku 2019. godine, Vlada Kantona Sarajevo dala je saglasnost na Elaborat o lokacijama reciklažnih dvorišta, niša i zelenih otoka. U Općini Stari Grad Sarajevo, kao jednoj od najposjećenijih jedinica lokalne samouprave, znatno je povećana i količina otpada, kao i potreba za uspostavom sistema selektivnog prikupljanja otpada.

Općina Stari Grad Sarajevo je u prethodnom periodu krenula sa implementacijom projekata koji za cilj imaju unaprjeđenje kvalitete života građana i istovremeno unapređenje sistema zaštite okoliša u Kantonu Sarajevo. Tako je u okviru projekta pod nazivom „Razvrstajmo otpad i zaštitimo Stari Grad“, koji je realizovan u toku 2019. godine kroz dvije faze, na osam lokaliteta na području Općine Stari Grad Sarajevo postavljeno ukupno 33 moderna, tzv. „zvonolika kontejnera“ (nadzemni kontejneri). Ovaj projekat Općina Stari Grad Sarajevo realizovala je u saradnji sa Fondom za zaštitu okoliša FBiH.

Kroz ovaj projekat postavljeni su kontejneri na četiri lokacije: Ispod Bistričke stanice (šest kontejnera), u blizini područnog objekta OŠ „Edhem Mulabdić“-Bistrik (tri kontejnera), Mustajpašin mejdan (tri kontejnera) i u ulici Safvet-bega Bašagića kod bivše Kineme (tri kontejnera). Prethodno, nakon izgradnje zida i platoa u ulici Bistrik potok, izvršeno je postavljanje pet zvonolikih kontejnera. Također u okviru finalne faze ovog projekta postavljeno je još 13 dodatnih zvonolikih kontejnera. U okviru projekta povećan je broj kontejnera u ulici Mustajpašin mejdan gdje je dodan i četvrti kontejner. Po četiri kontejnera postavljena su u ulice Isevića sokak, Sedrenik (kod javne česme) i na Zmajevcu.

Općina Stari Grad Sarajevo je u toku 2020 i 2021. godine, nastavila sa implementacijom projekata čiji je prvenstveni cilj uspostavljanje sistema primarne selekcije komunalnog otpada na području Općine Stari Grad Sarajevo s ciljem zaštite okoliša. Tako je implementiran projekat pod nazivom „Dvolinijski sistem otpada u starogradskim domaćinstvima“. I ovaj projekat zajednički su finansirali i realizovali Općina Stari Grad Sarajevo i Fond za zaštitu okoliša FBiH.

Kroz realizaciju ovog projekta podijeljeno je 1.980 kanti za dvolinijski sistem otpada. Projektom je nabavljeno 990 kompleta tj. 1.980 kanti za dvolinijski odvoz otpada i raspoređene su u svim mjesnim zajednicama gdje je postojala potreba i gdje je to bilo moguće, jer je prikupljanje otpada

na ovakav način moguće samo u ulicama koje imaju dovoljnu širinu i gdje je moguć prolazak većeg kamiona nadležnog kantonalnog preduzeća „Rad“, koje prazni otpad iz ovih kanti.

Projektom koji je realizovan bile su obuhvaćene sljedeće ulice: Džinina (55 kompleta), Očaktanum (77 kompleta), Ablagijin sokak (54 kompleta), Streljačka (63 kompleta), Ploča (25 kompleta), Saburina (29 kompleta), Hadžijamakova (76 kompleta), Mustafe Dovadžije (45 kompleta), Carina (30 kompleta), Vratnik mejdan (46 kompleta), Močila (70 kompleta), Močila terezija (25 kompleta), Bajramuša (45 kompleta), Mahmutovac (30 kompleta), Za beglukom (40 kompleta), Hambina carina (58 kompleta), Nadmejdan (15 kompleta), Hadžiabdinica (12 kompleta), Širokac (15 kompleta), Kasima efendije Dobrače (24 kompleta), Požegina (50 kompleta), Čopinica (10 kompleta) i Nova Baruthana (96 kompleta).

Kroz realizaciju ovog projekta svako domaćinstvo je dobilo komplet od po dvije kante, crnu i žutu. Crna kanta namijenjena je za prikupljanje kućnog komunalnog otpada, a žuta kanta namijenjena je za reciklažni otpad.

Općina Stari Grad Sarajevo je za realizaciju svih navedenih projekata uvođenja sistema selektivnog odlaganja otpada, dobila prethodnu saglasnost KJKP „Rad“ d.o.o. Sarajevo, koje je i nadležno za odvoz komunalnog otpada.

Za potrebe implementacije projekta „Dvolinijski sistem otpada u starogradskim domaćinstvima“, Općina Stari Grad Sarajevo je, u skladu sa Elaboratom o lokacijama reciklažnih dvorišta, niša i zelenih otoka, kao i podjele kanti za dvolinijski sistem otpada na području općina Kantona Sarajevo, imala definisane lokacije za postavljanje kanti za dvolinijski sistem prikupljanja otpada.

Ova jedinica lokalne samouprave je u toku 2021. godine, na području starogradske Mjesne zajednice Hrid-Jarčedoli, realizovala projekat uspostave „zelenog otoka“, na lokalitetu Hošin brijeg (okretnica). Na ovoj lokaciji postavljeni su zvonoliki kontejneri za otpad čime se riješio problem nelegalnog odlaganja otpada, koji je bio dugogodišnji problem u ovom naselju. Za potrebe uspostave „zelenog otoka“, postavljeni su zvonoliki plavi, žuti i zeleni kontejneri za selektivno odlaganje otpada za reciklažne sirovine, kao što je papir, karton, plastika, metal i staklo. Također je postavljen i kontejner za tzv. miješani komunalni otpad. Ovaj projekat je implementiran u saradnji sa KJKP „Rad“ d.o.o. Sarajevo.

Općina Stari Grad Sarajevo će i u narednom periodu, u saradnji sa nadležnim institucijama i preduzećima, u svrhu implementacije Elaborata o lokacijama zelenih otoka, niša i reciklažnih dvorišta s ciljem selektivnog prikupljanja otpada, kao i podjele kanti za dvolinijski sistem otpada, u skladu sa mogućnostima, nastojati realizovati projekte s ciljem smanjenja rizika po okoliš i zdravlje ljudi i uspostavljanje infrastrukture za upravljanje otpadom.

Zasnovanost akta na Zakonu potvrđena.

Po ovlaštenju općinskog načelnika
pomoćnik načelnika Sanin Hadžib:

S poštovanjem,

**PO OVLAŠTENJU OPĆINSKOG NAČELNIKA
SEKRETAR URGANA DRŽAVNE SLUŽBE**

Dostaviti:

-Naslovu,
-a/a.